

eas disponere ¹ conveniret: traditum est, qua ratione esset pronuntiandum: præceptum est, qua via meminisse possemus: demonstratum est, quibus modis perfecta elocutio compararetur. Quæ si exsequimur, acute et cito reperiemus, distincte et ordinate disponemus, graviter et venuste pronuntiabimus, firme et perpetuo meminerimus, ornate et suaviter eloquemur. Ergo amplius in arte rhetorica nihil est. Haec omnia adipiscemur, si rationes præceptionis diligentia consequemur ² exercitationis.

¹ Conveniat. ² Et exercitatione.

DE INVENTIONE RHETORICA

LIBRI DUO ³.

* De his quidem libris suis ita loquitur Tullius, ut eos sibi pueru aut adolescentulo ex commentariolis suis excidisse dicat ⁴. Elacet tamen in iis, quos habemus, maturior, quam ea fert ætas, et artis tradendæ peritia, et scribendi facultas et copia; quivis ut legendo sentiat auctorein esse eum, qui possit non tantum de arte loqui, sed etiam ex arte dicere.

* « Quæ pueris aut adolescentulis nobis ex commentariolis nostris inchoata ac rudia exciderunt. » De Orat. 1, 2.

LIBRI PRIMI

ARGUMENTUM.

De eloquentiae ad rempublicam utilitate, ejusque inventae et perfecte causis disserit auctor, I—II: deinde de invecto ejus abusu: nihilo secius tamen eloquentiae studendum, docet, III—IV. Sequitur brevis disputatio de oratoris officio, fine, materia et paribus eloquentiae, qua numero quinque: INVENTIO, DISPOSITIO, ELOCUTIO, MEMORIA et PRONUNCIATIO, V—VII. Quæ, in qualibet statu et genere causarum, ad Inventionem spectant, fusius exponit, VIII—XIII. Precipit deinde, quæ servande leges in *Exordio*, in *Narratione*, etc.; et quæ sit partis eiusque utilitas, usus, dos peculiaris, aut etiam vi-
tium, demonstrat, XIV—LV.

RHETORICORUM,

SEU

DE INVENTIONE RHETORICA,

LIBER PRIMUS.

I. SÆPE et multum hoc mecum cogitavi, bonine, an mali plus attulerit hominibus et civitatibus copia dicendi, ac summum eloquentiae studium. Nam quum et nostra reipublica detimenta considero, et maximaram civitatum veteres animo calamites colligo, non minimam video per disertissimos homines invectam partem incommodorum. Quum autem res ab nostra memoria propter vetustatem remotas ex litterarum monumentis repeteret insti-
tuo; multas urbes constitutas, plurima bella restincta, firmissimas societas, sanctissimas amicitias intelligo quum animi ratione, tum facilius eloquentia comparatas. Ac me quidem diu cogitantem ratio ipsa in hanc potissimum sententiam ducit, ut existimem, sapientiam sine eloquentia parum prodesse civitatibus, eloquentiam vero sine sapientia nimium obesse plerumque, prodesse nunquam. Quare si quis, omissis rectissimis atque honestissi-

mis studiis rationis et officii, consumit omnem operam in exercitatione dicendi, is inutilis sibi, perniciosus patria civis altitur; qui vero ita sese armat eloquentia, ut non oppugnare commoda patriæ, sed pro his propugnare possit, is mihi vir et suis, et publicis rationibus utilissimus, atque amissimus civis fore videtur.

Ac si volumus hujus rei, quæ vocatur eloquentia, sive studii, sive artis, sive exercitationis ejusdam, sive facultatis a natura profectar considerare principium; reperiemus id ex honestissimis causis natum, atque ¹ ab optimis rationibus profectum.

II. Nam fuit quoddam tempus, quum in agris homines passim bestiarum modo vagabantur, et sibi victu ² fero vitam propagabant; nec ratione animi quidquam, sed pleraque viribus corporis administrabant. Nondum divitiae religionis, non humani officii ratio colebatur; nemo nuptias viderat legitimas; non certos quispiam ³ adspicerat liberos; non, jus æquabile quid utilitatis haberet, accepérat. Ita propter errorem atque inscientiam, cæca ac temeraria dominatrix animi cupiditas, ad se explendam viribus corporis abutebatur, perniciossimis satellitibus. Quo tempore ⁴ quidam,

¹ Abest ab. ² Ferino. ³ Inspicerat. ⁴ Quidem magus vir.

magnus videlicet vir et sapiens, cognovit, quæ materia esset, et quanta ad maximas res opportunitas ¹ in animis hominum, si quis eam posset elicere, et præcipiendo meliorem reddere: qui dispersos homines in agris, et in tectis silvestribus abditos, ratione quadam compulit unum in locum, et congregavit, et eos in unamquamque rem inducens utilem atque honestam, primo propter insolentiam reclamantes, deinde propter rationem atque orationem studiosius audientes, ex feris et immanibus, mites reddidit et mansuetos. Ac mihi quidem videtur hoc nec tacita, nec inops discendi sapientia perficere potuisse, ut homines a consuetudine subito converteret, et ad diversas vitæ rationes traduceret. Age vero, urbis constitutis, ut fidem colere, et justitiam retinere discerent, et aliis parere sua voluntate consuescerent, ac non modo labores excipiendo communis commodi causa, sed etiam vitam amittendam existimarent: qui tandem fieri potuit, nisi homines ea, quæ ratione invenissent, eloquentia persuadere potuerint? Profecto nemo, nisi gravi ac suavi commotus oratione, quum viribus plurimum posset, ad jus voluisse sine vi descendere: ut inter quos posset excellere, cum iis se pate-

¹ In animis esset hominum.

retur æquari, et sua voluntate a jucundissima consuetudine recederet, quæ præsertim jam naturæ vim obtineret propter vetustatem. Ac primo quidem sic et nata, et progressa longius eloquentia videtur; et item postea maximis in rebus pacis et belli cum summis hominum utilitatibus esse versata. Postquam vero commoditas quædam, prava virtutis imitatrix, sine ratione officii, dicendi copiam consecuta est; tum ingenio freta malitia, pervertere urbes, et vitas hominum labefactare assuevit.

III. Atque hujus quoque exordium mali, quoniam principium boni diximus, explicemus. Verissimum illi videtur, quodam tempore neque in publicis rebus infantes et insipientes homines solitos esse versari, nec vero ad privatas causas magnos ac desertos homines accedere; sed quum a summis viris maximæ res administrarentur, arbitror alios fuisse non incallidos homines, qui ad parvas controversias privatorum accederent. Quibus in controversiis quum sepe a mendacio contra verum homines stare consuescerent, dicendi assiduitas aluit audaciam, ut necessario superiores illi propter injurias civium¹ resistere audaciis, et opitulari suis quisque necessarii cogerentur. Ita-

¹ Cod. urus, restare.

que quum in dicendo sæpe par, nonnunquam etiam superior visus esset is, qui, omisso studio sapientiae, nihil sibi præter eloquentiam comparasset, fiebat, ut et multitudinis et suo judicio, dignus, qui rempublicam gereret, videretur. Hinc nimirum non injurya, quum ad gubernacula reipublicæ temerari atque audaces homines accesserant, maxima ac miserrima naufragia fiebant. Quibus rebus tantum odiis atque invidiæ suscepit eloquentia, ut homines ingeniosissimi, quasi ex aliqua turbida tempestate in portum, sic ex seditiosa et tumultuosa vita se in studium aliquod traderent quietum. Quare mihi videntur postea cetera studia recta atque honesta, per otium concelebrata ab optimis, enitusse; hoc vero a plerisque eorum desertum obsolevisse eo tempore, quo multo vehementius erat retinendum, et studiosius adaugendum. Nam quo indignius rem honestissimam et rectissimam violabat stultorum et improborum temeritas et audacia, summo cum reipublica detrimento; eo studiosius et illis resistendum fuit, et reipublica consulendum.

IV. Quod nostrum illum non fugit Catonem, neque Lelium, neque horum (vere dicam) discipulum Africanum, neque Gracchos Africani nepotes: quibus in hominibus erat summa virtus, et summa virtute amplificata auctoritas, et, quæ his

rebus ornamento, et reipublicæ præsidio esset, eloquentia. Quare, meo quidem animo, nihil minus eloquentiae studendum est, etsi ea quidam et privatim, et publice ¹ perverse abutuntur: sed eo quidem vehementius; ne mali magno cum detramento honorum, et communis omnium pernicie, plurimum possint: quum præsertim hoc unum sit, quod ad omnes res et privatas, et publicas maxime pertineat; hoc tuta, hoc honesta, hoc illustris, hoc eodem vita jucunda fiat. Nam hinc ad rempublicam plurima commoda veniunt, si moderatrix omnium rerum præsto est sapientia; hinc ad ipsos, qui eam adepti sunt, laus, honos, dignitas confluit; hinc amicis quoque eorum certissimum ac tutissimum præsidium comparatur. Ac mihi quidem videntur homines, quum multis rebus humiliores et infirmiores sint, hac re maxime bestiis præstare, quod loqui possunt. Quare præclarum mihi quiddam videtur adeptus is, qui, qua re homines bestiis præstant, ea in re hominibus ipsis antecellat. Hoc si forte non natura modo, neque exercitatione conficitur, verum etiam artificio quodam comparatur; non alienum est videre, ² quid dicant ii, qui quædam ejus rei præcepta nobis reliquerunt.

¹ Al. codd. omitunt perverse. ² Quæ.

Sed antequani de præceptis oratoriis dicamus, videtur dicendum de genere ipsius artis, de officio, de fine, de materia, de partibus. Nam his rebus cognitis, facilius et expeditius uniusejusque animus ipsam rationem ac viam artis considerare poterit.

V. Civilis quædam ratio est, quæ multis et magnis ex rebus constat. Ejus quædam magna et ampla pars est, artificiosa eloquentia, quam rhetoricae vocant ^{*}. Nam neque cum iis sentimus, qui civilem scientiam eloquentia non putant indigere; et ab iis, qui eam putant omnem rhetoris vi et artificio contineri, magnopere dissentimus. Quare hanc oratoriam facultatem in eo genere ponemus, ut eam civilis scientia partem esse dicamus. Officium autem ejus facultatis videtur esse, dicere apposite ad persuasionem; finis, persuadere dictione. Inter officium autem et finem hoc interest, quod in officio, quid fieri; in fine, quid officio conveniat, consideratur: ut medici officium dicimus esse, curare ad sanandum apposite; finem, sanare curatione. Item oratoris quid officium, et quid finem esse dicamus, intelligemus, quum id, quod facere debet, officium esse dicemus; illud, cuius causa facere debet, finem appellabimus.

^{*} Citat Quintilian. II, 17.

Materiam artis eam dicimus, in qua omnis ars, et ea facultas, quæ conficitur ex arte, versatur. Ut si medicinæ materiam dicamus morbos, ac vulnera, quod in his omnis medicina versetur: item, quibus in rebus versatur ars, et facultas oratoria, eas res materiam artis rhetoricae nominamus. Has autem res, alii plures, alii pauciores existimaverunt. Nam Gorgias Leontinus, antiquissimus fere rhetor, omnibus de rebus oratorem optime posse dicere existimavit. Hic infinitam et immensam huic artificio materiam subjicere videtur. Aristoteles autem, qui huic arti plurima adjumenta atque ornamenta subministravit, tribus in generibus rerum versari rhetoris officium putavit, demonstrativo, deliberativo, judiciali. Demonstrativum est, quod tribuitur in alicujus certæ persona laudem aut vituperationem. Deliberativum, quod potius in disceptatione et consultatione civili, habet in se sententiaz dictionem. Judiciale, quod positum in judicio, habet in se accusationem et defensionem, aut petitionem et recusationem. Et, quemadmodum nostra quidem fert opinio, oratoris ars et facultas in hac materia tripartita versari existimanda est.

VI. Nam Hermagoras quidem, nec quid dicat; attendere, nec quid pollicetur, intelligere videtur; qui oratoris materiam in causam et in quæstionem

dividat. Causam esse dicit rem, quæ habeat in se controversiam in dicendo positam cum personarum certarum interpositione; quam nos quoque oratori dicimus esse attributam. Nam tres ei partes, quas ante diximus, supponimus, judiciale, deliberativam, demonstrativam. Quæstionem autem eam appellat, quæ habeat in se controversiam in dicendo positam, sine certarum personarum interpositione, ad hunc modum: «Ecquid sit bonum præter honestatem? Verine sint sensus? Quæ sit mundi forma? Quæ solis magnitudo?» Quas quæstiones procul ab oratoris officio ¹ remotas, facile omnes intelligere existimamus. Nam, quibus in rebus summa ingenia philosophorum plurimo cum labore consumpta intelligimus, eas, sicut alias parvas res, oratori attribuere, magna amentia videtur. Quod si magnam in his Hermagoras habuisse facultatem, studio et disciplina comparata, videretur fretus sua scientia, falsum quiddam constituisse de oratoris officio, et non quid ars, sed quid ipse posset, exposuisse. Nunc vero ea vis est in homine, ut ei multo rhetoricae citius quis ademerit, quam philosophiam concederit. Néque id eo dico, quod ejus ars, quam edidit, mihi mendosissime scripta videatur: nam satis in ea vi-

¹ Schütz edidit, remotas esse.

detur ex antiquis artibus ingeniose et diligenter electas res collocasse, et nonnihil ipse quoque novi protulisse: verum oratori minimum est de arte loqui, quod hic fecit; multo maximum ex arte dicere, quod eum minime potuisse, omnes videmus. Quare materia quidem nobis rhetoricae videtur ea, quam Aristoteli visam esse diximus.

VII. Partes autem haec sunt*, quas plerique dixerunt, inventio, dispositio, elocutio, memoria, pronuntiatio. Inventio est excogitatio rerum verarum, aut verisimilium, quae causam probabilem reddant. Dispositio est rerum inventarum in ordinem distributio. Elocutio est idoneorum verborum, et sententiarum ad inventionem accommodatio. Memoria est firma animi rerum ac verborum ad inventionem perceptio. Pronuntiatio est, ex rerum et verborum dignitate, vocis et corporis moderatio.

Nunc his rebus breviter constitutis, eas rationes, quibus ostendere possimus genus, et officium, et finem hujus artis, aliud in tempus differemus. Nam et multorum verborum indigent, et non tantopere ad artis descriptionem et præcepta tradenda pertinent. Eum autem, qui artem rhetoricanam scribat, de duabus reliquis rebus, de materia

* Ad Herenn. I, 2.

artis, ac partibus scribere oportere existimamus. Ac mili quidem videtur conjuncte agendum de materia ac partibus. Quare inventio, quæ princeps est omnium partium, potissimum in omni causarum genere, qualis debeat esse, consideretur.

VIII. Omnis res, quæ habet in se, positam in dictione aut disceptatione, aliquam controversiam, aut facti, aut nominis, aut generis, aut actionis continet questionem. Eam igitur questionem, ex qua causa nascitur, constitutionem appellamus. Constitutio est prima conflictio causarum ex deputatione intentionis profecta, hoc modo: « Fecisti. — Non feci, aut jure feci. » Quum facti controversia est, quoniam conjecturis causa firmatur, constitutio conjecturalis appellatur. Quum autem nominis, quia vis vocabuli definienda verbis est, constitutio definitiva nominatur. Quum vero, qualis sit res, queritur, quia et de vi, et de genere negotii controversia est, constitutio generalis vocatur. At quum causa ex eo pendet, quod aut non is agere videtur, quem oportet, aut non cum eo, quicum oportet, aut non apud quos, quo tempore, qua lege, quo crimen, qua poena oportet, translativa dicitur constitutio; quia actio, translationis et commutationis indigere videtur. Atque harum aliquam in omne causæ genus incidere necesse est. Nam in quam rem non incederit, in ea nihil esse

poterit controversia. Quare eam ne causam quidem convenit putari.

Ac facti quidem controversia in omnia tempora potest distribui. Nam quid factum sit, potest queri, hoc modo: «Occideritne Ajacem Ulysses?» Et quid fiat, hoc modo: «Bonone animo sint erga populum romanum Fregellani?» Et quid futurum sit, hoc modo: «Si Carthaginem reliquerimus incoludem, num quid sit incommodi ad rempublicam peruentur?»

Nominis controversia est, quum de facto convenit, et queratur, id quod factum est, quo nomine appelletur. Quo in genere necesse est [ideo nominis] esse controversiam [non quod de re ipsa non conveniat], non quod de facto non constet, sed quod id, quod factum sit, aliud alii videatur esse, et idcirco alias alio nomine id appellat. Quare in hujusmodi generibus definienda res erit verbis, et breviter describenda: ut, si quis sacrum ex privato surripuerit, utrum fur, an sacrilegus sit judicandus. Nam id quum queratur, necesse erit definire utrumque, quid sit fur, quid sacrilegus, et sua descriptione ostendere alio nomine illam rem, de qua agitur, appellari oportere, atque adversarii ¹ dicant.

¹ Dicunt.

IX. Generis est controversia, quum et quid factum sit, convenit, et quo id factum nomine appellari oporteat, constat; et tamen, quantum, et cujusmodi, et omnino quale sit, queratur, hoc modo: Justum, an injustum; utile, an inutile; et omnia, in quibus, quale sit id, quod factum est, queritur, sine ulla nominis controversia.

Huic generi Hermagoras partes quatuor supposuit, deliberativam, demonstrativam, juridicalem, negotialem. Quod ejus, ut nos putamus, non mediocre peccatum, reprehendendum videtur, verum brevi; ¹ ne aut, si taciti præterierimus, sine causa non secuti eum putemur; aut, si diutius in hoc constiterimus, moram atque impedimentum reliquis præceptis intulisse videamur.

Si deliberatio et demonstratio genera sunt causarum, non possunt recte partes alicuius generis causæ putari. Eadem enim res alii genus esse, alii pars potest; eidem genus esse et pars non potest. Deliberatio autem, et demonstratio, genera sunt causarum. Nam aut nullum causæ genus est, aut judiciale solum, aut et judiciale, et demonstrativum, et deliberativum. Nullum dicere cause esse genus, quum causas esse multas dicat, et in eas præcepta det, amentia est. Unum autem judiciale

¹ Ne, si aut.

solum esse qui potest, quum deliberatio et demonstratio, neque ipse similes inter se sint, et ab judiciali genere plurimum dissideant, et suum quæque finem habeat, quo referri debeat? Relinquitur ergo, ut omnia tria genera sint causarum. Deliberatio igitur, et demonstratio, non possunt recte partes alicuius generis causæ putari. Male igitur eas generalis constitutionis partes esse dixit.

X. Quod si generis causæ partes non possunt recte putari, multo minus recte partis causæ partes putabuntur. Pars autem causæ, constitutio est omnis. Non enim causa ad constitutionem, sed constitutio ad causam accommodatur. Sed demonstratio et deliberatio, generis causæ partes non possunt recte putari, quod ipsa sunt genera. Multo igitur minus recte partis ejus, quod hic dicit, partes putabuntur. Deinde si constitutio, et ipsa, et pars constitutionis ejus quælibet, intentionis depulsio est; quæ intentionis depulsio non est, ea nec constitutio, nec pars constitutionis est. At si, quæ intentionis depulsio non est, ea nec constitutio, nec pars constitutionis est; demonstratio et deliberatio, neque constitutio, nec pars constitutionis est. Si igitur constitutio, et ipsa, et pars ejus, intentionis depulsio est; deliberatio et demonstratio, neque constitutio, neque pars consti-

tutionis est. Placet autem ipsi, ¹ constitutionem intentionis esse depulsionem. Placeat igitur oportet, demonstrationem et deliberationem ² non esse constitutionem, nec partem constitutionis. Atque hoc eodem urgebitur, sive constitutionem, primam cause accusatoris confirmationem dixerit, sive defensoris primam depreciationem. Nam eum eadem omnia incommoda sequentur.

Deinde conjecturalis causa non potest simul ex eadem parte, eodem in genere, et conjecturalis esse, et definitiva. Rursus nec definitiva causa potest simul ex eadem parte, eodem in genere, et definitiva esse, et translativa. Et omnino nulla constitutio, nec pars constitutionis potest simul et suam habere, et alterius in se vim contineat: ideo quod unaquæque ex se, et ex sua natura simpliciter consideratur; altera assumta, numerus constitutionum duplicatur, non vis constitutionis augetur. At deliberativa causa simul ex eadem parte, eodem in genere, et conjecturalem, et generalem, et definitivam, et translativam solet habere constitutionem, et unam aliquando, et plures nonnunquam. Ergo ipsa nec constitutio est, nec pars constitutionis. Idem in demonstratione

¹ Abest constitutionem. ² Nec.

solet usu evenire. Genera igitur, ut ante diximus, hæc causarum putanda sunt, non partes alicujus constitutionis.

XI. Hæc ergo constitutio, quam generalem nominamus, partes nobis videtur duas habere, juridicalem, et negotialem. Juridicalis est, in qua æqui et iniqui natura, ¹ premii, aut pœnae ratio queritur. Negotialis est; in qua, quid juris ex civili more, et æquitate sit, consideratur: cui diligentiae præesse apud nos jurisconsulti existimantur.

Ac juridicalis quidem ipsa ² in duas distribuitur partes, absolutam et assumptivam. Absoluta est, quæ ipsa in se continet juris et injuriaæ quæstiōnem. Assumptiva, quæ ipsa ex se nihil firmi dat ad recusationem; foris autem aliquid defensionis assūmit. Ejus partes sunt quatuor, concessio, remoto criminis, relatio criminis, comparatio. Concessio est, quum reus non id, quod factum est, defendit, sed, ut ignoscatur, postulat. Hæc in duas partes dividitur, purgationem et deprecationem. Purgatio est, quum factum conceditur, culpa removetur. Hæc partes habet tres, imprudentiam, casum, necessitatem. Deprecatio est, quum et

¹ Aut premii.

² Ad Herenn. I, 14.

peccasse, et consulto peccasse reus se confitetur, et tamen, ut ignoscatur, postulat: quod genus perraro potest accidere. Remotio criminis est, quum id crimen, quod infertur, ab se et ¹ ab sua culpa, vi et potestate in alium reus removere conatur. Id duplieiter fieri poterit, si aut causa, aut factum in alium transferetur. Causa transfertur, quum aliena dicunt vi et potestate factum. Factum autem, quum alius aut debuisse, aut potuisse facere dicitur. Relatio criminis est, quum ideo jure factum dicitur, quod ² aliquis ante injuria lacessierit. Comparatio est, quum aliud aliquod ³ alicujus factum rectum aut utile contenditur, quod ut fieret, illud, quod arguitur, dicitur esse commissum.

In quarta constitutione, quam translativam nominamus, ejus constitutionis est controversia, quum aut quem, aut quicum, aut quomodo, aut apud quos, aut quo jure, aut quo tempore agere oporteat, queritur, aut omnino aliquid de commutatione, aut confirmatione actionis agitur. Hujus constitutionis Hermagoras inventor esse existimatur, non quo non usi sint ea veteres oratores sape multi, sed quia non animadverterint artis scriptores eam superiores, nec retulerint in numerum con-

¹ A sua. ² Alius. ³ Abest alicujus.

stitutionum. Post autem ab hoc inventam multi reprehenderunt, quos non tam imprudentia falli putamus (res enim perspicua est), quam invidia atque obstructione quadam impediri.

XII. Et constitutiones quidem, et earum partes exposuimus: exempla autem cujusque generis tunc commodius exposituri videmur, quum in unum quodque eorum argumentorum copiam dabimus. Nam argumentandi ratio dilucidior erit, quum et ad genus, et ad exemplum causae statim poterit accommodari.

Constitutione causæ reperta, statim placet considerare, utrum causa sit simplex, an juncta; et si juncta erit, utrum sit ex pluribus questionibus juncta, an ex aliqua comparatione. Simplex est, quæ absolutam in se continet unam questionem, hoc modo: « Corinthiis bellum indicamus, an non? » Conjuncta ex pluribus questionibus, in qua plura queruntur, hoc pacto: « Utrum Carthago diruta, an Carthaginensibus reddatur, an eo colonia deducatur. » Ex comparatione, in qua per contentionem, utrum potius, aut quid potissimum sit, queritur, ad hunc modum: « Utrum exercitus in Macedoniam contra Philippum mittatur, qui sociis sit auxilio; an teneatur in Italia, ut quam maximæ contra Hannibalem copiae sint. »

XIII. Deinde considerandum est, in ratione, an

in scripto sit controversia. Nam scripti controversia est ea, quæ ex scriptio[n]is genere nascitur. Ejus autem genera, quæ sunt separata a constitutionibus, quinque sunt. Nam quum verba ipsa videntur cum sententia scriptoris dissidere, tum inter se duæ leges, aut plures discrepare, tum id, quod scriptum est, duas aut plures res significare; tum ex eo, quod scriptum est, aliud quoque, quod non scriptum est, inveniri; tum vis verbi, quasi in definitiva constitutione, in quo posita sit, queri. Quare primum genus, de scripto et sententia; secundum, ex contrariis legibus; tertium, ambiguum; quartum, ratiocinativum; quintum, definitivum nominamus. Ratio autem est, quum omnis quæstio non in scriptione, sed in aliqua argumentatione consistit.

At tum considerato genere cause, et cognita constitutione, quum, simplexne, an conjuncta sit, intellexeris, et scripti, an rationis habeat controversiam, videris; deinceps erit videndum, quæ quæstio, quæ ratio, quæ judicatio, quod firmamentum causæ sit *: que omnia a constitutione proficiuntur oportet. Questio est ea, quæ ex confictione causarum gignitur controversia, hoc modo: « Non jure fecisti. » — « Jure feci. » Cau-

* Ad Herenn. I, 16.

sarum autem hæc est conflictio, in qua constitutio constat*. Ex ea igitur nascitur controversia, quam quæstionem dicimus, hoc modo: « Jurene fecerit. » Ratio¹ est, quæ continet causam, que si sublata sit, nihil in causa controversiae relinquetur, hoc modo, ut docendi causa in facilis et perulgato exemplo consistamus: Orestes si accusetur matricidii, nisi hoc dicat, « Jure feci; illa enim patrem meum occiderat: » non habet defensionem. Quia sublata, omnis quoque controversia sublata sit. Ergo ejus causæ ratio est, « Quod illa Agamemnonem occiderit. » Judicatio est, quæ ex infirmatione et confirmatione rationis nascitur controversia. Nam sit ea nobis exposita ratio, quam paullo ante exposuimus. « Illa enim, inquit, patrem² meum occiderat. » — « At non, inquit adversarius, abs te filio matrem necari oportuit. Potuit enim sine tuo scelere illius factum puniri. »

XIV. Ex hac deductione rationis illa summa nascitur controversia, quam judicationem appellamus. Ea est hujusmodi: « Rectumne fuerit, ab Oreste matrem occidi, quum illa Orestis patrem occidisset. »

* Supra, cap. 8.

¹ Est ea. ² Abest meum.

Firmamentum est firmissima argumentatio defensoris, et¹ appositissima ad judicationem: ut si velit Orestes dicere « ejusmodi animum matris suæ fuisse in patrem suum, in se ipsum ac sorores, in regnum, in famam generis et familie, ut ab ea ponas liberi sui potissimum petere debuerint. » Et in ceteris quidem constitutionibus ad hunc modum judicationes reperiuntur: in conjecturali autem constitutione, quia ratio non est (factum enim non conceditur), non potest ex deductione rationis nasci judicatio. Quare necesse est eamdem esse quæstionem et judicationem: ut, « Factum est. » — « ² Non est factum. » — « Factum tumne sit? » Quot autem in causa constitutiones, aut earum partes erunt, totidem necesse erit quæstiones, rationes, judicationes, firmamenta reperi.

His omnibus in causa repertis,³ tum denique singulæ partes totius causæ considerandæ sunt. Nam non ut quidque dicendum primum, ita primum animadvertisendum videtur: ideo quod illa, quæ prima dicuntur, si vehementer velis congruere et cohærere cum causa, ex eis ducas oportet, quæ post dicenda sunt. Quare quum judicatio, et ea, quæ ad judicationem oportet inveniri argu-

¹ Aptissima. ² Factum non est. ³ Tunc.

menta, diligenter erunt artificio reperta, cura et cogitatione pertractata; tum denique ordinandæ sunt ceteræ partes orationis. Hæ partes sex esse omnino nobis videntur; exordium, narratio, partitio, confirmatio, reprehensio, conclusio. Nunc quoniam exordium princeps omnium esse debet, nos quoque primum in rationem exordiendi p̄cepta dabimus.

XV. Exordium * est oratio animum auditoris idonee comparans ad reliquam dictionem: quod eveniet, si eum benevolum, attentum, docilem fecerit. Quare qui bene exordiri causam volet, eum necesse est genus sue causæ diligenter ante cognoscere. Genera causarum sunt quinque, honestum, admirabile, humile, anceps, obscurum. Honestum causæ genus est, cui statim sine oratione nostra auditoris favet animus; admirabile, a quo alienatus est animus eorum, qui audituri sunt; humile, quod negligitur ab auditore, et non magnopere attendendum videtur; anceps, in quo aut judicatio dubia est, aut causa, et honestatis, et turpitudinis particeps, ut et benivolentiam pariat, et offensionem; obscurum, in quo aut tardi auditores sunt, aut difficultoribus ad cognoscendum negotiis causa implicita est. Quare quoniam tam

* Ad Herenn. I, 4.

diversa sunt genera causarum, exordiri quoque dispari ratione in unoquoque genere necesse est. Igitur exordium in duas partes dividitur, in principium et insinuationem. Principium est oratio, perspicue et protinus perficiens auditorem benivolum, aut docilem, aut attentum. Insinuatio est oratio quadam dissimulatione et circuitione obscure subiens auditoris animum.

In admirabili genere cause, si non omnino infesti auditores erunt, principio benivolentiam comparare licebit. Si erunt vehementer abalienati, confugere necesse erit ad insinuationem. Nam ab iratis si perspicue pax et benivolentia petitur; non modo ea non invenitur, sed angetur atque inflammatur odium. In humili autem genere causæ, contentionis tollendæ causa, necesse erit attentum efficere auditorem. Anceps genus causæ, si dubiam iudicationem habebit, ab ipsa iudicatione exordiendum est. Si autem partem turpitudinis et partem honestatis habebit, benivolentiam captare oportebit, ut in genus honestum causa translata videatur. Quum autem erit honestum causæ genus, vel præteriri principium poterit, vel, si commodum fuerit, aut a narratione incipiems, aut a lege, aut ab aliqua firmissima ratione nos-

Alii, et.

træ dictionis: sin uti principio placebit, benivo-
lentiæ partibus utendum est, ut id, quod est,
angeatur. In obscuræ causæ genere, per princi-
pium dociles auditores efficere oportet.

XVI. Nunc, quoniam, quas res exordio confi-
cere oporteat, dictum est; reliquum est, ut os-
tendatur, quibus quæque res rationibus confici
possit.

Benivolentia quatuor ex locis comparatur *: ab
nostra, ab adversariorum, ab judicium persona,
ab ipsa causa. Ab nostra, si de nostris factis et
officiis sine arrogantia dicemus; si crimina illata,
et aliquas minus honestas suspicione injectas di-
laemus; si, quæ incommoda acciderint, aut quæ
instent difficultates, proferemus; si prece, et ob-
secratione humili, ac supplici utemur. Ab adver-
sariorum autem, si eos aut in odium, aut in invi-
diam, aut in contentionem adducemus. In odium
adducentur, si quod eorum spuree, superbe,
crueliter, malitiose factum proferetur. In invi-
diam, si vis eorum, potentia, divitiae, cognatio,
pecuniae proferentur, atque eorum usus arrogans
et intolerabilis; ut his rebus magis videantur, quam
causæ sua confidere. In contentionem adducentur,
si eorum inertia, negligentia, ignavia, desidiosum

* Ad Herenn. I, 5.

studium, et luxuriosum otium proferetur. Ab au-
ditorum persona benivolentia captabitur, si res ab
his fortiter, sapienter, mansuetæ gestæ proferen-
tur, ut ne qua assentatio nimia significetur; et si
de his, quam honesta existimatio, quantaque eo-
rum judicij et auctoritatis expectatio sit, ostend-
etur. Ab ipsis rebus, si nostram causam laudan-
do extollemus, adversariorum causam per contem-
tionem deprimumus.

Attentos autem faciemus, si demonstrabimus,
ea, quæ dicturi erimus, magna, nova, incredibili-
lia esse, aut ad omnes, aut ad eos, qui audiunt,
aut ad aliquos illustres homines, aut ad deos im-
mortales, aut ad summam ¹ rempublicam pertine-
re; et si pollicebimur, nos brevi nostram causam
demonstrare, atque exponemus judgementem,
aut judicationes, si plures erunt.

Dociles auditores faciemus, si aperte et brevi-
ter summam causæ exponemus; hoc est, in quo
consistat controversia. Nam et quam docilem ve-
lis facere, simul attentum facias oportet. Nam is
maxime docilis est, qui attentissime est paratus
audire.

XVII. Nunc insinuationes quemadmodum trac-
tari conveniat, deinceps dicendum videtur. Insin-

¹ Reipublicæ.

nuatione igitur utendum est, quum admirabile genus causæ est, hoc est, ut ante diximus, quum animus auditoris infestus est. Id autem tribus ex causis fit maxime; si aut inest in ipsa causa quædam turpitudo, aut ab iis, qui ante dixerunt, jam quiddam auditori persuasum videtur, aut eo tempore locus dicendi datur, quum jam illi, quos audire oportet, defessi sunt audiendo. Nam ex hac quoque re non minus, quam ex primis duabus, in ¹ oratore nonnunquam animus auditoris offenditur.

Si causæ turpitudo contrahet offenditionem; aut pro eo homine, in quo offenditur, alium hominem, qui diligitur, interponi oportet: aut pro re, in qua offenditur, aliam rem, quæ probatur; aut pro re hominem, aut pro homine rem, ut ab eo, quod odit, ad id, quod diligit, auditoris animus traducatur; et dissimulare id te defensurum, quod existimeris defensurus; deinde, quum jam mitior factus erit auditor, ingredi pedetentia in defensionem, et dicere, ea, quæ ² indignentur adversariū, tibi quoque indigna videri; deinde, quum lenieris eum, qui audiet, demonstrare, nihil eorum ad te pertinere, et negare te quidquam de adversariis esse dicturum, neque hoc, neque illud: ut

¹ Oratione. ² Indignantur.

neque aperte laudas eos, qui diliguntur, et tamen id obscure faciens, quoad possis, alienes ab eis auditorum voluntatem; et aliquorum judicium simili de re, aut auctoritatem proferre imitatione dignam; deinde eamdem, aut consimilem, aut maiorem, aut minorem agi rem in presentia demonstrare.

Sin oratio adversariorum fidem videbitur auditoribus fecisse, ¹ id quod ei, qui intelligit, quibus rebus fides fiat, facile erit cognitu; oportet aut de eo, quod adversarii sibi firmissimum putarunt, et maxime ii, qui audierint, probarint, primum te dicturum polliceri, aut ab adversarii dicto exordiri, et ab eo potissimum, quod ille superrime dixerit; aut dubitatione uti, quid primum dicas, aut cui potissimum loco respondeas, cum admiratione. Nam auditor quum eum, quem adversarii perturbatum putant oratione, videt animo firmissimo contra dicere paratum, plerumque se potius temere assensisse, quam illum sine causa confidere arbitratur.

Sin auditoris studium defatigatio abalienavit a causa, te brevius, quam paratus fueris, esse dicturum, commodum est polliceri; non imitaturum adversarium. Sin res dabit, non inutile est ab ali-

¹ Abest id.

qua re nova aut ridicula incipere, aut ex tempore
qua nata sit; quod genus, strepitum, acclamatio-
nem; aut jam parata, qua vel apologum, vel fa-
bulam, vel aliquam contineat irrisione; aut, si
rei dignitas admet jocandi facultatem, aliquid triste,
novum, horribile, statim non incommodum est in-
jicere. Nam ut cibi saietas et fastidium aut sub-
amara aliqua re relevatur, aut dulci mitigatur; sic
animus defessus audiendo, aut admiratione inte-
gratur, aut risu ¹ novatur.

XVIII. Ac separatum quidem, qua de principio
et insinuatione dicenda videbantur, haec fere sunt.
Nunc quiddam breviter et communiter de utroque
principiendum videtur.

Exordium sententiarum et gravitatis plurimum
debet habere, et omnino omnia, qua pertinent ad
dignitatem, in se continere, propterea quod id
optime faciendum est, quod oratorem auditorem
maxime ² commendet: splendoris, et festivitatis,
et concinnitudinis minimum, propterea quod ex
his suspicio quaedam apparationis atque artificiosae
diligentie nascitur; qua maxime orationi fidem,
oratori adimit auctoritatem.

Vitia vero haec sunt certissima exordiorum, qua
summopere vitare oportebit; vulgare, commune,

¹ Renovatur. ² Commendat.

commutabile, longum, separatum, translatum,
contra præcepta. Vulgare est, quod in plures cau-
sas potest accommodari, ut convenire videatur.
Commune est, quod nihil minus in hanc, quam
in contrariam partem causæ, potest convenire.
Commutabile est, quod ab adversario potest, le-
viter mutatum, ex contraria parte dici. Longum
est, quod pluribus verbis, aut sententiis, ultra
quam satis est, producitur. Separatum est, quod
non ex ipsa causa ductum est, nec, sicut aliquod
membrum, annexum orationi. Translatum est,
quod alud conficit, quam causa genus postulat:
ut si quis docilem faciat auditorem, quam beni-
volentiam causa ¹ desiderat; aut, si principio uta-
tur, quam insinuationem res ² postulat. Contra
præcepta est, quod nihil eorum efficit, quorum
causa de exordiis præcepta traduntur: hoc est,
quod eum, qui audit, neque benivolum, neque
attentum, neque docilem efficit; aut, quo profecto
nihil pejus est, ut contra sit, facit. Ac de exordio
quidem satis dictum est.

XIX. Narratio est rerum gestarum, aut ut ges-
tarum, expositi. Narrationum tria sunt genera:
unum genus est, in quo ipsa causa, et omnis ratio
controversia continetur; alterum, in quo dicensio-

¹ Desideret. ² Postulet.

aliqua extra causam aut criminacionis, aut similitudinis, aut delectationis non alienæ ab eo negotio, quo de agitur, aut amplificationis causa, interponitur; tertium genus est remotum a civilibus causis, quod delectationis causa, non inutili cum exercitatione, dicitur et scribitur. Ejus partes sunt duæ, quarum altera in negotiis, altera in personis maxime versatur. Ea, quæ in negotiorum expositione posita est, tres habet partes, fabulam, historiam, argumentum. Fabula est, in qua nec veræ, nec verisimiles res continentur; cuiusmodi est:

Angues ingentes alites, juncti jugo *.

Historia est gesta res, ab ætatis nostræ memoria remota; quod genus: « Appius indixit Carthaginensibus bellum. » Argumentum est facta res, quæ tamen fieri potuit. Hujusmodi apud Terentium :

Nam is postquam excessit ex ephebis, Sosia **.

Illa autem narratio, quæ versatur in personis, ejusmodi est, ut in ea simul cum rebus ipsis personarum sermones et animi perspici possint, hoc modo :

* Ex *Medea*, ut videtur, Pacuvii aut Ennii.

** Terent. in *Andr.* act. I, sc. I, 24.

Venit ad me saepe clamitans, Quid agis, Mitio?
Cur perdis adolescentem nobis? cur amat?
Cur potat? cur tu his rebus sumptum suggestis?
Vestitu nimio indulges, nimium ineptus es.
Nimium ipse durus est præter æquumque et bonum*.

Hoc in genere narrationis multa inesse debet festivitas, confecta ex rerum varietate, animorum dissimilitudine, gravitate, lenitate, spe, metu, suspicione, desiderio, dissimulatione, errore, misericordia, fortunæ commutatione, insperato incommodo, subita lætitia, jucundo exitu rerum. Verum hac ex his, quæ postea de elocutione præcipientur, ornamenta sumentur. Nunc de narratione ea, quæ causæ continet expositionem, dicendum videtur.

XX. Oportet igitur eam tres habere res **: ut brevis, ut aperta, ut probabilis sit. Brevis erit, si, unde necesse est, inde initium sumetur, et non ab ultimo repetetur, et si cuius rei satis erit summarum dixisse, ejus partes non dicentur (nam saepe satis est, quod factum sit, dicere; non ut enarrare, quemadmodum sit factum); et si non longius, quam quod scitu cipus est, in narrando procedetur; et si nullam in rem aliam transibit; et si ita di-

* Terent. in *Adelph.* act. I, sc. I, 35.

** Ad Herenn. I, 9.